

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), dhe duke vepruar sipas njoftimit për përqendrim të parashtruar nga GALENIKA A.D. BEOGRAD, me seli në adresën Batajnički drum pn, Serbi, përmes avokates Andrea Lazarevska nga Shkupi, në seancën e mbajtur më 08.11.2023, solli

AKTVENDIM

Vërtetohet se përqendrimi me anë të së cilit GALENIKA A.D. BEOGRAD, me seli në adresën Batajnički drum pn, Serbi, do të fitojë kontroll të pavarur mbi shoqërinë Lajfmedik d.o.o. Beograd (Lifemedic d.o.o. Beograd) me seli në Velko Dugosheviq 27 A/1, Beograd, Serbi përmes shitblerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative (Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbarimin e aktvendimit.

Arsyetim

Në përputhje me nenit 15 të Ligjit për Mbrojtjen e Konkurrencës më 10.10.2023, i plotësuar më 18.10.2023, te Komisioni për Mbrojtjen e Konkurrencës (në tekstin e mëtejshëm: Komisioni) është dorëzuar një njoftim i përqendrimit nga GALENIKA A.D. BEOGRAD, me seli në adresën Batajnički drum pn, Serbi, me anë të cilit GALENIKA A.D. BEOGRAD, do të fitojë kontroll të pavarur mbi shoqërinë Lajfmedik d.o.o. Beograd (Lifemedic d.o.o. Beograd) me seli në Velko Dugosheviq 27 A/1, Beograd, Serbi përmes shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

Aktivitetet themelore të biznesit të ndërmarrjeve të përfshira:

GALENIKA A.D. BEOGRAD është pjesë e Grupit Brazilian NC. Veprimtaria kryesore e GALENIKA A.D. BEOGRAD është prodhues i preparateve farmaceutike, kryesisht barnave që jepen me recetë.

Një pjesë e vogël e asortimentit të GALENIKA A.D. BEOGRAD përfshin gjithashtu produkte që mund të shpërndahen pa recetë të mjekut, si dhe produkte të caktuara të destinuara për përdorim në praktikën profesionale stomatologjike.

Lajfmedik d.o.o. Beograd merret me importin dhe shpërndarjen e preparateve natyrale, gjegjësisht suplementeve ushqimore të prodhuara nga Farmalajf Risç Itali (Pharmalife Research Italy). Shoqëria e synuar është importuese dhe distributore e preparateve të këtij prodhuesi për Serbinë, Kosovën, Malin e Zi, Bosnjë dhe Hercegovinën dhe Maqedoninë e Veriut.

Lajfmedik është një kompani serbo-slllovene e regjistruar për tregti me shumicë me produkte farmaceutike.

Lajfmedik merret me importin dhe shpërndarjen e preparateve natyrale - suplementeve ushqimore të prodhuara nga Farmalajf Risç Itali. Lajfmedik është importues dhe distributor i preparateve të këtij prodhuesi për Serbinë, Kosovën, Malin e Zi, Bosnje dhe Hercegovinën dhe Maqedoninë e Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

Udhëzim për mjetin juridik

Kundër këtij aktvendimi mund të parashtrahet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

KRYETAR
I KOMISIONIT PËR MBROJTJEN E KONKURENCËS
Prof. Dr. Владимир Наумовски